

Mancomunidad de Concellos do Val Miñor

BASES DE SELECCIÓN PARA A CONTRATACIÓN DE UN COORDINADOR DE SOCORRISTAS PARA A MANCOMUNIDADE DE CONCELLOS DO VAL MIÑOR.

BASE 1ª.- OBXECTO DA CONVOCATORIA.

É obxecto desta convocatoria a contratación laboral temporal, a través do proceso de selección de concurso-oposición, dun coordinador de socorristas co obxecto de garantir a seguridade nas praias dos Concellos de Baiona e Nigrán a través das labores de salvamento e socorrismo para a execución da obra o servizo <<Lifegard: Servizo de salvamento e socorrismo nas praias da mancomunidad>> solicitada pola Xunta da Mancomunidad de Concellos do Val Miñor ao abeiro da Orde do 12 de decembro de 2018, pola que se establecen as bases que regulan as axudas e subvencións para o fomento do emprego e mellora de empregabilidade no ámbito de colaboración coas entidades locais e se procede a súa convocatoria para o exercicio do ano 2019.

Procédese a contratación anticipada dun coordinador de socorrista segundo autorización da Xefatura Territorial de Vigo- Servizo de Traballo e Economía Social ao abeiro artigo 16 da antedita Orde do 12 de decembro de 2018.

BASE 2ª.- MODALIDADE DE CONTRATACIÓN E DURACIÓN DO CONTRATO E RETRIBUCIÓNS.

Duración do contrato: 2 meses,

Xornada de traballo: 37,5 horas semanais de luns a domingo, co goce dos descansos legalmente establecidos.

Modalidade de contratación: obra ou servizo “Lifegard: Servizo de salvamento e socorrismo nas praias da mancomunidad”, prevista no art. 15 a) do Estatuto dos Traballadores (expediente TR351A 2019/33-5).

A contratación do persoal está vinculada á concesión da subvención da Xunta de Galicia ao abeiro da Orde do 12 de decembro de 2018, pola que se establecen as bases que regulan as axudas e subvencións para o fomento do emprego e mellora de empregabilidade no ámbito de colaboración coas entidades locais e se procede a súa convocatoria para o exercicio do ano 2019, segundo a solicitude formulada pola Mancomunidad, e recibida autorización por parte da Consellería para a súa contratación anticipada, polo que, as persoas aspirantes, ademais de superar as probas selectivas deberán ser persoas desempregadas inscritas no Servizo Público de Emprego de Galicia como demandantes non ocupados e estaren dispoñibles para o emprego. Estes requisitos deberán cumprirse tanto no momento da selección como no da formalización do contrato de traballo temporal coas cláusulas específicas de

Mancomunidad de Concellos do Val Miñor

traballos de interese social). Ademais deberán cumprir os requisitos establecidos na citada Orde do 12/12/2018 (DOG nº 6 de 09/01/2019).

BASE 3ª.- FUNCIONES.-

O coordinador seleccionado realizará as seguintes funcións:

- Organización do servizo, calendario de traballo e dotación de material
- Por en coñecemento da Mancomunidad o material e persoal necesarios en cada unha das praias.
- Informar a Mancomunidad de cantas incidencias e anomalías se produzan, así como a organización, necesidades e funcionamento do servizo.
- Subministrar a caixa de primeiros auxilios, combustible, comunicación, equipamento, material de salvamento e vestiario aos socorristas e patróns-socorristas.
- Comunicar a Mancomunidad as necesidades de material, produtos farmacéuticos, combustibles e calquera outro necesarios para o funcionamento do servizo de vixilancia de praias.
- Supervisión do correcto estado de mantemento, limpeza e funcionamento das dependencias e materiais do servizo.
- Recollida de datos para á elaboración de estatísticas.
- Realizar función de socorristas por causa das quendas, ausencias, vacacións para garantir a seguridade nas praias dos Concellos de Baiona e Nigrán.
- No suposto de emerxencias maiores, desprazarase a zona afectada e proceder o aviso, nos supostos en que fose preciso, ao servizo 112 Emerxencias Galicia da Xunta de Galicia
- Calquera outra relacionada co posto de traballo de coordinador de socorrismo

BASE 4ª.- RETRIBUCIÓN.

A retribución será de **1.408,98 €/brutos** ao mes, importe que inclúe a parte proporcional de pagas extras correspondentes.

BASE 5ª.- CONDICIÓN DAS PERSOAS ASPIRANTES.

Para tomar parte neste proceso selectivo, as persoas aspirantes deberán reuni-los seguintes requisitos:

Mancomunidad de Concellos do Val Miñor

-
- a) Ser de nacionalidade española. As persoas nacionais doutros estados da Unión Europea poderán acceder ao posto de traballo consonte o disposto no artigo 57 da Lei 7/2007 do Estatuto Básico da Función Pública.
 - b) Ter cumpridos 16 anos de idade e non exceder da idade máxima de xubilación forzosa.
 - c) Cumprir co disposto no Decreto 35/2017, do 30 de marzo, polo que se modifica o Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia. A ditos efectos deberán presentar:
 - 1. Copia cotexada da solicitude de inscrición no Rexistro Profesional de Socorristas acuáticos de Galicia.
 - 2. Titulación de socorrista acuático impartido pola AGASP con un mínimo acreditado de 80 horas de formación, ou estar en posesión dun diploma que acredite a realización dun curso de formación en materia de socorrismo impartido por universidades, federacións deportivas de salvamento e socorrismo, Cruz Vermella ou outras entidades con experiencia na formación de socorristas, sempre que o devandito curso obteña a homologación da AGASP, ou ben estar en posesión dun diploma que acredite a superación con avaliación positiva do Curso de formación profesional para o emprego de socorrista acuático (AFDB10, de 240 horas), expedido por una Administración pública competente en materia de formación profesional para o emprego; Título de Licenciado ou Graduado en Ciencias da Actividade Física e o Deporte, xunto co certificado de ter superado o curso de adaptación da actividade física e deportiva ao socorrismo en espazos acuáticos naturais (CAFDO-EAN), establecido no anexo VI e impartido polas entidades sinaladas na disposición adicional primeira e segunda; Título de Técnico Superior en Animación de Actividades Físicas e Deportivas, xunto co certificado de ter superado o curso de adaptación da actividade física e deportiva ao socorrismo en espazos acuáticos naturais (CAFDO-EAN), establecido no anexo VI e impartido polas entidades sinaladas na disposición adicional primeira e segunda do Decreto 35/2017, do 30 de marzo.
 - d) A solicitude de inscrición e titulación de socorrista acuático poden ser substituídos pola presentación do carné de socorrista en espazos acuáticos naturais emitido de acordo co Decreto 104/2012, modificado polo Decreto 35/2017, do 30 de marzo.
 - e) Non padecer enfermidade ou defecto físico ou psíquico que impida o desempeño das funcións propias do posto de traballo ao que se opta.
 - f) Non incorrer en causa de incompatibilidade ou de incapacidade, conforme á normativa vixente.

Mancomunidad de Concellos do Val Miñor

- g) Non ter sido separado, mediante expediente disciplinario, do servizo de calquera das Administracións Públicas, nin estar inhabilitado por sentenza xudicial firme para o exercicio das funcións públicas.
- h) Estar incluído na listaxe da sondaxe que o Servizo Público de Emprego remita á Mancomunidad de Concellos do Val Miñor, logo da realización da oferta pública correspondente de conformidade coa Orde do 12/12/2017, pola que se establecen as bases que regulan as axudas e subvencións para o fomento do emprego e mellora de empregabilidade no ámbito de colaboración coas entidades locais e se procede a súa convocatoria para o exercicio do ano 2018.

BASE 6ª.- PRESENTACIÓN DE SOLICITUDES.

As solicitudes para tomar parte neste proceso selectivo faranse mediante instancia dirixida ao señor Presidente da Mancomunidad de Concellos do Val Miñor, en modelo que se facilitará no Rexistro Xeral da MVM sito na rúa Ventura Misa nº 19, Baiona, nas que se fará constar que se reúnen todos e cada un dos requisitos establecidos na Base Cuarta desta convocatoria.

Tamén se poderán presentar na forma que determina o artigo 16.4 da Lei 39/2015, do procedemento administrativo común das administracións públicas. Neste caso, a persoa aspirante deberá dirixir por Fax, ao 986/357474 unha copia da instancia con anterioridade ao remate do prazo, para os efectos de que poida ser incluída na relación de persoas admitidas.

O prazo será de **7 días hábiles** dende a recepción das Bases que regulan o procedemento de selección e que se facilitarán no Rexistro Xeral da MVM sito na rúa Ventura Misa nº 19, Baiona, en horario de 09:00 a 13:00 horas.

Documentación a presentar xunto coa solicitude:

Requisitos

- 1 Fotocopia compulsada do DNI (requisitos).
- 2 Fotocopia compulsada da titulación requirida.
- 3 Xustificante de haber solicitado a inscrición no Rexistro profesional de Socorristas Acuáticos de Galicia, ou a inscrición propiamente dita, naqueles casos nos que xa se houbera obtido.
- 4 Certificado Médico Oficial ou informe de saúde (orixinal) acreditativo de que a persoa candidata non padecen ningunha enfermidade ou defecto físico ou psíquico, que impida o exercicio das funcións propias do posto.

Xustificación dos méritos alegados

1. Vida Laboral actualizada.

Mancomunidad de Concellos do Val Miñor

2. Certificado de servizos prestados polo órgano competente da administración pública no caso de haber prestado servizos na mesma nos postos de traballo ofertados, e copia compulsada dos contratos ou certificados de empresa que acrediten o desempeño de tarefas nos postos de traballo ofertados no caso de que ditos servizos se realizaran en entidades privadas.

3. Fotocopia compulsada dos méritos alegados na fase de concurso.

Coa presentación da instancia para tomar parte no proceso selectivo entenderase que os interesados aceptan e acatan todas e cada unha das Bases desta convocatoria.

BASE 7ª.- ADMISIÓN DAS PERSOAS ASPIRANTES.

Para ser admitido e poder tomar parte nas probas selectivas que se realicen, bastará con que as persoas aspirantes manifesten nas instancias que presenten que reúnen todos e cada un dos requisitos establecidos na Base 4ª.

Rematado o prazo de presentación de instancias, a Presidencia ditará Resolución aprobando a listaxe de persoas aspirantes admitidas e excluídas (neste segundo caso con indicación das causas que deran lugar á exclusión), que se fará pública, exclusivamente, no Taboleiro de Anuncios da Mancomunidad, sita na súa sede, na rúa Ventura Misa nº 19, Baiona; ou na páxina web do concello de Baiona www.baiona.org. A inclusión das persoas aspirantes nas listas de admitidos non supón, en ningún caso, o recoñecemento por parte desta Administración Local de que aqueles reúnen os requisitos esixidos para ser nomeados para a súa contratación, requisitos que se deberán acreditar segundo o establecido na Base 10ª. Concederase un prazo de dous días para a emenda de erros, do xeito establecido no artigo 68 da Lei 39/2015.

Concederase un prazo de tres días para a emenda de erros, do xeito establecido no artigo 68 da Lei 39/2015

A presentación de reclamacións, no seu caso, non suspenderá o proceso selectivo, salvo que así o acorde a Presidencia.

BASE 8ª.- TRIBUNAL CUALIFICADOR.

O Tribunal Cualificador que xulgará o proceso selectivos estará integrado de conformidade co artigo 60 do Real Decreto Lexislativo 5/2015 de 30 de outubro polo que se aproba o Texto **Refundido da lei do Estatuto básico do empregado público** do seguinte xeito:

Presidente: Unha persoa traballadora dun dos concellos da Mancomunidad.

Secretaria: A secretaria da Mancomunidad do Val Miñor ou funcionario en quen delegue.

Mancomunidade de Concellos do Val Miñor

- Vogais:
- 1º Vogal.- Unha persoa funcionaria ou traballadora do concello de Nigrán.
 - 2º Vogal.- Unha persoa funcionaria ou traballadora do concello de Baiona.
 - 3º Vogal.- Unha persoa funcionaria ou traballadora do concello de Gondomar.

Para a asistencia do Tribunal poderase nomear unha persoa especialista en materia de socorrismo.

As persoas integrantes do Tribunal as designará a Presidencia da Mancomunidade, e a súa composición farase pública na mesma Resolución pola que se aproba a lista de aspirantes admitidos e excluídos.

Tódolos vogais do Tribunal Cualificador deberán ter nivel de titulación académica ou de especialización profesional igual ou superior á esixida para o acceso ás prazas obxecto desta convocatoria.

Os membros do Tribunal deberán absterse de intervir, notificándoo á autoridade convocante, cando concorran as circunstancias previstas nos artigos 23 e 24 da Lei 39/2015 citada, ou cando realizaran tarefas de preparación de aspirantes para probas selectivas nos cinco anos anteriores á publicación desta convocatoria.

Igualmente, os aspirantes poderán recusar aos membros do Tribunal cando conorra algunha das circunstancias a que se refire o parágrafo anterior.

O Tribunal non poderá constituírse nin actuar sen a asistencia de máis da metade dos seus membros (sexan titulares ou suplentes, indistintamente). En todo caso, será precisa a asistencia da persoa titular da Presidencia e da Secretaría. O Tribunal Cualificador queda autorizado para resolver as dúbidas que se presenten e para toma-los acordos necesarios para a boa orde do proceso selectivo, en todo o non previsto nestas Bases.

BASE 9ª.- DESENVOLVEMENTO DO PROCESO SELECTIVO.

Na mesma Resolución pola que se aprobe a listaxe de persoas aspirantes admitidos e excluídos e se faga pública a constitución do Tribunal Cualificador, sinalarase o lugar, data e hora para o inicio do proceso selectivo.

O proceso de selección (**CONCURSO-OPOSICIÓN**) constará dos seguintes exercicios:

- A Fase A.- Oposición.- Puntuación máxima 20 puntos. Primeira proba de carácter obrigatorio e eliminatorio:** Consistirá na realización dun exame tipo test e/ou un suposto práctico, tendo en conta o temario que figura no anexo. Sendo necesario **obter 10 puntos** para a superación desta proba.

Mancomunidade de Concellos do Val Miñor

B Fase B.- Concurso.-Puntuación máxima 6 puntos.

1. Experiencia profesional: máximo 2 puntos

- Experiencia como coordinador de socorristas en administracións públicas: 0,10 puntos por mes.
- Experiencia como socorrista náutico en espazos naturais en administracións públicas: 0,05 puntos por mes.
- Experiencia como socorrista náutico en espazos naturais en entidades de carácter privado relacionadas con dita actividade profesional: 0,04 puntos por mes.

En ningún caso se terán en consideración os méritos que non estean debidamente xustificadas coa vida laboral e certificado do órgano competente na materia ou certificado de empresa e ou contratos de traballo nos que se especifique claramente o posto de traballo ocupado e a duración de ditas contratacións.

2. Outras titulacións: máximo 1 punto:

- Por estar en posesión do título de Coordinador de Salvamento Acuático Profesional expedido pola Federación Galega de Salvamento e Socorrismo, pola Academia de Seguridade Galega, Cruz Vermella, Idissa ou calquera outra titulación oficial expedida por unha administración pública competente: 0,50 puntos.

Deberá aportarse orixinal ou fotocopia do título ou do xustificante de depósito das taxas para a súa obtención.

3. Formación en cursos relacionados co posto de traballo: máximo 1,5 puntos:

- Cursos impartidos polas Administracións Públicas, universidades e Cursos oficiais derivados do cumprimento dos acordos de formación continua das administracións públicas dentro da súa labor de formación e capacitación permanente de persoal e cursos impartidos polos colexios profesionais e sindicatos Asociacións de carácter privado ou similares. que teñan relación coas funcións do posto.
- (Cursos de Formación básica en protección civil, primeiros auxilios, actualización en primeiros auxilios, socorrismo en instalacións acuáticas, o calquera outros de análoga natureza que acrediten a suficiencia necesaria para o desempeño das funcións do posto de traballo).
 - o De 20 a 40 h: 0,20 puntos por curso.
 - o De 41 a 60 h: 0,30 puntos por curso.
 - o De 61 a 100 h: 0,40 puntos por curso.

Mancomunidade de Concellos do Val Miñor

- o De 101 a 200 h: 0,50 puntos por curso.
- o Máis de 200 horas: 0,80 puntos por curso.

Non se puntuarán os cursos dunha carga lectiva inferior á establecida ou aqueles que non teñan debidamente acreditada a súa carga lectiva nos propios diplomas ou en disposición legal ou regulamentaría oficial, asemade tampouco se puntuarán a asistencia a xornadas, congresos ou seminarios.

5.-Permisos para o goberno de embarcacións: máximo 0,50 puntos.

- Título o autorización náutica de patrón de embarcacións
 - o Patrón de Navegación Básica: 0,25 puntos
 - o Patrón de Embarcacións de Recreo (PER) ou superior: 0,50 puntos

6.- Criterios de inserción socio-laboral: máximo 1 punto

Para a súa acreditación, será necesario presentar a documentación probatoria oportuna así como informes elaborados por técnicos/as das diferentes administracións con competencias nestas áreas.

A valoración destes criterios, que teñen carácter acumulativo tendo como límite o recollido na puntuación máxima, realizarase en función do seguinte baremo:

CRITERIO 1: MULLERES		
A	A-1 Mulleres	0,40
	A-2 Mulleres vítimas violencia *	0,30
CRITERIO 2: MENORES 30 ANOS		
B	B-1 Menores de trinta anos	0,75
	B-2 Demandantes de primeiro emprego (deberá achegar vida laboral)	0,25
C	CRITERIO 3: PARO LONGA DURACIÓN: un ano (datos disponible Concello)	0,50
D	CRITERIO 4: TER UN ITINERARIO PERSONALIZADO DE INSERCCIÓN (IPI) EN CURSO (acreditarse mediante informe do INEM)	0,50
E	PERTENCER A UN COLECTIVOS CON RISCO TÉCNICO DE EXCLUSIÓN SOCIAL (acreditarse mediante informe dos Servizos Sociais)	0,50

* Certificación da orde de protección ou da medida preventiva ou testemuña ou copia autenticada pola secretaria ou secretario xudicial da propia orde de protección ou da medida preventiva.

Sentenza de calquera orde xurisdiccional que declare que a muller sufriu violencia en calquera das modalidades definidas na Lei 11/2007.

Certificación ou informe dos Servizos Sociais e/ou sanitarios da Administración Pública autonómica ou local

Certificación dos servizos de acollida da Administración pública autonómica ou local.

Informe do Ministerio Fiscal que indique a existencia de indicios de violencia.

Mancomunidade de Concellos do Val Miñor

Informe da Inspección de Traballo e da Seguridade Social ou calquera outro que se estableza regulamentariamente.

BASE 10ª.- PROPOSTA DE APROBADOS.

Concluída a cualificación final do proceso selectivo, o Tribunal publicará no citado Taboleiro de Anuncios e na páxina web do concello www.baiona.org a relación das persoas aspirantes aprobadas por orde da puntuación total final (que estará determinada pola suma dos puntos obtidos na fase de concurso máis na fase de oposición), coa súa especificación, e elevará a correspondente proposta de nomeamento ao órgano correspondente.

O Tribunal Cualificador non poderá facer proposta de contratación a favor dun número de persoas aspirantes superior ao das prazas convocadas.

No suposto de que algún aspirante proposto para a contratación non chegara a formaliza-lo contrato de traballo, ben por renuncia voluntaria ou por non cumpri-los requisitos esixidos nestas Bases, o Tribunal formulará proposta a favor do seguinte aspirante aprobado, ou, sucesivamente, do que figure a continuación, ata cubri-la praza, por rigorosa orde de puntuación.

BASE 11ª.- NOMEAMENTO E FORMALIZACIÓN DO CONTRATO.

As persoas contratadas estarán obrigadas a presta-la súa xornada de traballo na medida e forma requiridas polo interese do servizo, con horario de mañá ou de tarde, ou fraccionando a xornada se fora preciso, e de acordo coa lexislación aplicable, quedando sometida a un período de proba, co alcance previsto no artigo 14 do Estatuto dos Traballadores, e estará suxeita á lexislación laboral pertinente.

BASE 12ª.- SUBSTITUCIÓN PARA O CASO DE SE PRODUCIR VACANTES.

Para o caso de que algunha das prazas contratadas ao abeiro desta convocatoria quedase definitivamente vacante por algunha circunstancia, así como para substitucións temporais con reserva de praza dentro deste Servizo, o Órgano competente desta Mancomunidade de Concellos poderá outorgar nomeamento de contratación a favor dos aspirantes que superaron tódalas fases deste proceso selectivo, de maneira consecutiva e por estrita orde correlativa de puntuación total final, do xeito en que figure na lista definitiva de aspirantes aprobados a que se fai referencia na Base 9ª.

En razón da urxencia das substitucións, queda facultada a Presidencia para realiza-los nomeamentos temporais a que se refire esta Base.

Esta Base terá vixencia entre tanto non se leve a cabo outra Convocatoria desenvolvendo unha nova Oferta de Emprego para postos de igual categoría,

Mancomunidade de Concellos do Val Miñor

perdendo validez, neste caso, a listaxe que ata entón estivera vixente, pero sen que isto afecte ao persoal nomeado na súa virtude e durante a súa vixencia.

BASE 13ª.- NORMAS FINAIS.

Para todo o non previsto nestas Bases, ou naquilo que as contradigan, será de aplicación supletoria o establecido no Real Decreto Lexislativo 2/2015, de 23 de outubro, polo que se aproba o texto refundido do Estatuto dos Traballadores, Real Decreto Lexislativo 5/2015 de 30 de outubro polo que se aproba **o Texto Refundido da lei do Estatuto básico do empregado público, Lei reguladora das bases do réxime local**, no Texto Refundido das disposicións legais vixentes en materia de réxime local, na Lei de administración local de Galicia, no Real decreto 896/1991 (sobre regras básicas e programas mínimos a que debe axustarse o procedemento de selección dos funcionarios da administración local), no Regulamento de selección do persoal da administración da Comunidade Autónoma de Galicia, no Real decreto 364/1995 polo que se aproba o Regulamento xeral de ingreso do persoal ao servizo da administración do Estado), e a Orde do 12 de decembro de 2018, pola que se establecen as bases que regulan as axudas e subvencións para o fomento do emprego e mellora de empregabilidade no ámbito de colaboración coas entidades locais e se procede a súa convocatoria para o exercicio do ano 2019.

ANEXO: TEMARIO

Temario Primeiros Auxilios:

Tema 1: Pautas xerais ante un accidentado.

Tema 2: Valoración dun accidentado.

Tema 3: Reanimación cardio-pulmonar.

Tema 4: Arteriosclerose -aterosclerose.

Tema 5: Hemorraxias.

Tema 6: Feridas.

Tema 7: Traumatismos e politraumatismos.

Tema 8: Shock.

Tema 9: Cadros convulsivos.

Tema 10: Trastornos pola calor.

Tema 11: Lesións e trastornos polo frío.

Tema 12: Intoxicacións pola vía dixestiva.

Tema 13: Picaduras e mordeduras.

Mancomunidad de Concellos do Val Miñor

Tema 14: Intoxicacións por drogas.

Tema 15: Transporte de accidentados.

Tema 16: Asfixias.

Temario Salvamento Acuático:

Tema 1: Principios xerais do salvamento acuático.

Tema 2: Secuencia de actuación no salvamento acuático.

Tema 3: Técnicas de entrada na auga.

Tema 4: Flotacións.

Tema 5: Técnicas de nado adaptadas.

Tema 6: O mergullo.

Tema 7: Técnicas de control e zafaduras.

Tema 8: Técnicas de remolque directas.

Tema 9: Técnicas de utilización do material de rescate.

Tema 10: Técnicas para o rescate de accidentados de columna.

Tema 11: Técnicas de respiración artificial no medio acuático.

Tema 12: Técnicas de extracción de accidentados.

Tema 13: O salvamento acuático en espazos naturais.

Tema 14: Comunicacións.

Temario: Coñecemento do medio natural

Tema 1: Os areas da Mancomunidad: riscos e perigosidade dos mesmos.

Mancomunidad de Concellos do Val Miñor

INSTANCIA PARA PARTICIPAR NO PROCESO SELECTIVO MEDIANTE O SISTEMA DE CONCURSO-OPOSICIÓN PARA A PROVISIÓN DE 1 POSTO DE TRABALLO DE COORDINADOR DE SOCORRISTAS NÁUTICOS PARA A MANCOMUNIDADE DE CONCELLOS DO VAL MIÑOR.

NOME..... APELIDOS

NIF....., Rúa nº

Piso letra, Parroquia

Concello Teléfono Fijo

Teléfono móbil Correo electrónico

Por medio da presente instancia declara que non se atopa incurso/a en ningunha causa de incompatibilidade ou incapacidade que determine a lexislación vixente para contratar coa Administración Pública e asemade que cumpre todos e cada un dos requisitos da Base 5ª que regulan o presente proceso selectivo.

Así mesmo, acepta e acata todas e cada unha das Bases da convocatoria.

DOCUMENTACIÓN A PRESENTAR

- ☐ A presente instancia, debidamente cuberta e asinada.
- ☐ Fotocopia compulsada do DNI.
- ☐ Fotocopia compulsada da titulación requirida.
- ☐ Xustificante de haber solicitado a inscrición no Rexistro Profesional de Socorristas Acuáticos de Galicia, ou a inscrición propiamente dita, no caso de habela obtido.
- ☐ Certificado médico oficial ou informe de saúde acreditativo de non padecer ningunha enfermidade ou defecto físico ou psíquico, que impida o exercicio das funcións propias do posto.
- ☐ Vida Laboral actualizada.
- ☐ Certificado de servizos prestados polo órgano competente da administración pública no caso de haber prestado servizos na mesma nos postos de traballo ofertados e copia compulsada dos contratos ou certificados de empresa que acrediten o desempeño de tarefas nos postos de traballo ofertados no caso de que ditos servizos se realizaran en entidades privadas.
- ☐ Fotocopia compulsada dos méritos alegados na fase de concurso.

Baiona, de de 2019.
Asdo.

A persoa solicitante _____

SR. PRESIDENTE DA MANCOMUNIDADE DE CONCELLOS DE VAL MIÑOR.